

Sveinung Olsnes

Dato: 11.11.2025
Vår referanse: 2025/8445-2
Sakshandsamar: Per Wraa

Delegert vedtak
Kommunalsjef kultur, næring og fritid - nr. 274/25

Svar på søknad om bygging av landbruksveg

Vedtak

Med heimel i Forskrift om planlegging og bygging av veier for landbruksformål, jf. skoglova §7 og Naturmangfaldlova §7, godkjennast bygging av om lag 150 meter enkel driftsveg på eigedom med gnr/bnr 27/1 i Vinje.

Det setjast fylgjande vilkår for godkjenninga:

- *Det skal takast generelle miljøomsyn ved gjennomføring av arbeidet, og området skal etter avslutta anlegg i størst mogleg grad setjast attende til opprinneleg stand.*
- *Om det under arbeid i felt kjem fram gjenstandar eller levningar som syner eldre aktivitet i området, må arbeidet stanses og melding sendast Telemark fylkeskommune omgåande, jfr. kulturminnelovas § 8. Dette pålegg må formidlast til den som utfører arbeidet i felt.*
- *Godkjenninga fell bort om ikkje veganlegget er påbegynt innan 3 år frå d.d.*
- *Tilbakeføring av massetak*

Bakgrunn

Sveinung Olsnes eig eigedom med gnr/bnr 27/1 i Vinje. Eigedomen er på 815 da, av dette er 768 da registrert som produktiv skog. Søkjer ber om løyve til å bygge om lag 150 meter enkel driftsveg i samband med tømmerdrift på eigedomen. Vegtrase er innteikna på kart som er vedlagt søknaden.

Jf. Forskrift om planlegging og bygging av veier for landbruksformål, må skogeigar som ynskjer å byggje bil- eller traktorveg søkje kommunen om godkjenning, før anlegget tek til.

Vurdering

Saka skal vurderast etter § 7 i Naturmangfaldlova og avgjerast etter krava i "Forskrift om planlegging og bygging av veier for landbruksformål" av 1996.

Naturmangfaldlova:

§ 7. (prinsipp for offentleg beslutningstaking i §§ 8 til 12)

Prinsippa i §§ 8 til 12 skal leggjast til grunn som retningslinjer ved utøving av offentleg myndigheit, også når eit forvaltningsorgan tildeler tilskot, og ved forvaltning av fast eigedom. Vurderinga etter første punktum skal gå fram av slutninga.

Forskrift om planlegging og godkjenning av veier for landbruksformål:

§ 2-1. Søknadsplikt

Bygging av nye landbruksvegar og ombygging av eksisterande vegar kan ikkje gjerast utan løyve frå kommunen.

§ 3-3. Vedtakets innhald m.v.

Saker som handsamast etter forskrifta skal vurderast med landbruksfaglege og miljøfaglege omsyn, jf. § 1-1. Vedtaket må bygge på at dei landbruksressursar vegen har betydning for skal kunne utnyttast på ein rasjonell og rekningsvarande måte.

Sveinung Olsnes skal hogge tømmer i eit område utan tilfredsstillande vegdekning, og ein enkel driftsveg er naudsynt for å få fram tømmeret. Søknaden er mangelfull, men sakshandsamar har vore i kontakt med søkjar pr telefon for å hente inn manglande informasjon. Vegen dekkjer skogbruket åleine, det er heller ikkje andre interesser inn i vegen pr. d.d. Vegen er ikkje i kontakt med offentleg veg, det er ikkje naboar som er part i nyanlegget. Vegen dekkjer eit areal på 20 da produktiv skog, med om lag 200 m³ ståande volum. Vegen har ei oppmålt lengde på om lag 150 meter. Kostnad for tiltaket er ikkje vurdert. Det er naudsynt med vegen for å få ut vindfall i området. Kostnad blir difor i dette tilfellet sekundært.

Tiltaket er vurdert etter Naturmangfaldslovas §§8 – 12 ved søk i alle tilgjengelege basar. Vidare er tiltaket sjekka opp mot MiS-registreringar gjort i samband med skogbruksplanlegging. Det er ikkje funne miljøregistreringar som kjem i konflikt med tiltaket. Kunnskapsgrunnlaget om naturtypar og artsmangfald vurderast som god, og tiltaket vurderast med det ikkje å forringe eller truge artsmangfaldet eller spesielle naturtypar.

Bygging av enkel driftsveg er heilt naudsynt for å kunne få ut vindfelt tømmer frå området.

Konklusjon

Vegprosjektet det søkjast om er av mindre karakter. Det er ikkje registrerte artar eller artsmiljø som gjer ytterlegare utgreiingar naudsynt, og tillating til inngrepet kan gjevast slik det er søkt om.

Dokument i saka

Med helsing

Per Wraa

*landbruksrådgjevar
Kultur, næring og fritid*

Brevet er sendt elektronisk og har difor ingen signatur.

Mottakarakar:
Sveinung Olsnes

Informasjon om retten til å klage

Jf. forvaltningslova § 28, kan du klage på vedtaket. Klagefristen er tre veker rekna frå den dagen då brevet kom fram til mottakar. Det er nok at klaga er postlagd før fristen går ut.

Klaga sender du skriftleg til Vinje kommune. Skriv kva for vedtak det klagast over, den eller dei endringane som er ynskjeleg og dei årsaker du vil gje for klaga. Dersom du klager så seint at det kan vere uklart for oss om du har klaga i rett tid, blir du beden om å gje opp dato då denne meldinga kom fram.